

建久九年十一月

三二四 (三七)

可相禦候、猶不拘皇威、提(旋力)及訴逆者、賴朝雖自身可馳參候歟、相禦之間、衆徒等之及合戰者、不慮之外、致罪出來候歟、抑(藤原)高能卿早世之間、暫致生

〇一〇一一 銅細工則包請取狀

〇根岸文書

請預 高雄御塔鋤事

合十鋤者

右、未進銅五斤代、爲覆所請預如件、

建久九年十一月五日

銅細工則包 (署押)

〇一〇一二 笠置寺貞慶願文

〇東大寺所藏讚佛乘抄八

笠置寺

奉造立三木瓦葺十三重塔一基

奉置母屋柱大迦葉・須菩提・舍利弗・目犍連・阿難陀・羅

睺羅等羅漢像合六牀

奉置扉面梵王・帝釋・日天・月天・難頭・龍王・沙迦羅龍

王・金剛力士等像合八牀

奉置扉後左右障子等靈鷲山・清涼山・釋迦超劫等畫六牀

奉置上層四天王像各十二牀

奉造立皆金色一尺六寸釋迦如來像一牀

奉置鏡面文殊師利菩薩像一牀

奉造立綵色一探手半四天王像各一牀

奉摺寫唐本大般若經一部六百卷

奉納佛舍利三粒彌勒菩薩像一千牀

奉摺寫妙法蓮華經一部八卷、無量義・觀普賢等經各一卷

奉書寫。大乘本生心地觀經一部八卷、寶篋印陀羅尼、

以前、塔婆尊經甄錄如此、伏惟、我大日本國者、天祖降跡、

人主布政以來、至德安道王化久傳、東作西贊、民業永繼、風

化則從上而行下、フニトシテ莫不戴上德、產業亦經古而及今、トシテ莫

不受古功、是以八十餘葉之君臣、皆垂遺齋於歷代之月、六十

餘洲之人禽、互結芳緣於月鄉之風、加之、磯城金刺之宮、釋

教傳通之後、推古之御宇、ニハ上宮王攝政焉、始教諸惡莫作之道、

天地之明時、ニハ大斌冠執權矣、永開難思解脱之門、自爾以降、

繼躰守文之主、皆守付屬於如來之金言、佐功立命之臣、多專護持於像末之遺教、善男善女於法有功之者、多則多矣、不足籌量、矧復道照・道慈之儔、弘法傳教之匠、髮珠募直、忘身命於兩朝之俗、甘露嗜味、貽利益於千代之塵、至于彼行甚菩薩之導九洲、覺母新示應化身、鑒眞和尚之傳五篇、天子忝承、戒足者、蠻夷猶恭其跡、剃染悉受其賜、凡厥八宗末學、傳燈寫瓶弘濟之道、佛智難測者也、佛子受生於神國、解形於釋門、一期之間含含恩儀、二諦之德不可不報、千界投寶、難以報一分之恩、億劫割身、難以謝一日之功、若發菩提心者、亦動他人、令發名。眞實、能報四恩、嗚呼、自未發一念之大心、豈能勸他人、令發未知二親之近慈、況及群生哉、報謝之道何足思□□□□、況誓度娑婆、寶海大臣殊悲濁世、大士之弘誓尚思自界之因緣、下凡之初心宜先一國之分齊、爰尋吾朝之濫觴者、皆爲天照大神之開闢、思一代文攝化者、莫不釋迦大師之出世、不如行二聖之方便、以酬一國之恩德、是以塔婆是世尊之墳墓也、般若是神道之上味也、慕恩饒德、莫大於此矣、仍卜此地之風□□立十三重之支提、訪異域之煙波、早

建久九年十一月

寫六百軸之華文、我所憑之尊像舍利、以安置其內、我所勸之善友知識、以助成此功、或人加淨財於礎石也、不異蘊峨公之初砧焉、或人鑿黃金於表柱也、相同上宮之自鏤矣、一階掌土木之家々、各成願主之思、莊嚴交衆寶之人々、互契來世之緣、莫大之構、不量而□ケ爾時擺嚴洞、号屈龍象、跪石壇号捧香華、音樂一兩曲、僅驚天仙之聽、見聞千萬人、互拭歎喜之淚、三輪洗塵、寒谷之水雖冷、一緣結露、故園之菊猶芳、昔玄奘三藏之建立靈塔也、深報國家之聖恩、今亞沙門之造高顯也、泣酬本朝之廣德、高祖之志、佛子蓋微、号之般若報恩塔、蓋欲令後昆、知我心而已、然則日本一國之間、天地開闢以來、不擇人倫鬼神、不漏山禽水獸、受生此土之者、宿身當國之類、令其未發起者、悉發菩提心、令其不定聚類、速住正定聚、一人若發心、彼人亦勸化、展轉多重、周遍一國、但惑自近三乘之行位、惑已生十方之佛土、於若又和光同塵、權化大聖、以此之人、仰爲導師、各垂加被、冥助此事、縱逢千佛之出世、常啓此願、縱送三祇之長劫、不忘今誓、自此漸及微塵之刹土、依其遂得普賢之願海、衆要雖區、一門可

三三五(七七)

足、抑我心已異人、亦衆望何同此願、思以此一門之廻向、遂圓滿彼衆人之所求、願令彼衆人之所求、還攝受此一門之廻向、現當互爲善知識、自他同證大菩提、敬白、

建久九年十一月七日

〇一〇一三 笠置寺十三重塔咒願文

東大寺所藏
彌勒感應抄一

非空非有	三性微妙	俗諦真諦	二門甚深	以有尋空
遂會中道	從俗悟真	名爲大覺	鱗甲羽毛	其形不同
一天之下	均含元氣	神人古今	其心雖異	同即之中
互結芳緣	況於當今	君臣德化	況於生育	父母恩愛
聖風惠露	不擇遠近	慈山乳海	難測高深	矧亦出世
親教尊師	慈訓至重	因緣轉大	如此四恩	生々幾許
雖其一緣	世々無盡	若人自發	大菩提心	交能勸他
同發此心	施真實法	一四句偈	佛說之爲	能報四恩
我生神國	苟列人倫	重入釋門	愍馴佛法	一念大心
自未發起	豈勸他人	入無上道	二親昔志	今猶如忘
寧爲群生	生大悲心	每見至孝	願身雖恥	世人常心

多皆如是	念々緩々	今生徒暮	自心他心	發趣何日
天照大神	吾朝始祖	四海万邦	誰漏其化	釋迦能仁
三界慈母	一代三寶	皆出彼功	聞上古風	佛神道隔
顯本地月	權實門通	欲報一國	須仰二聖	難思方便
宜施引接	爰就當山	殊卜淨地	始穿石巖	新起寶塔
土木皆是	知識所助	知識則又	宿緣所追	卿相之家
貴女之室	綱維之客	清信之士	或搆一級	或瑩九輪
或投黃金	或抽丹石	帝納重々	表無尋境	華瓔離々
出有漏塵	世尊塔廟	以顯果德	層級有數	超十二緣
施主良田	以招梵福	展轉無窮	及百千人	未必待勸
不敢思名	力無大小	志皆清潔	小識之誓	一念不空
莫大之功	二廻而終	所持尊像	敬安玉壇	本是毗首
爲我降斧	所傳佛骨	永納寶瓶	久帶穢身	於已不輕
初謂臨終	親致瞻禮	今悅將來	廣施利益	訪得異朝
般若眞文	傳來往代	法花靈本	四王尊像	每階安置
八天靈像	廻扉羅列	四十超劫	本生勝行	曷彼往事
增欣永恩	五百塵點	常在聖跡	寫其風景	休戀慕心

金剛嶮前 鸞鏡瑩光 淨月輪上 覺母留影 九年戊午(建久)

中冬玄律 八音調曲 衆香薰匂 供養恭敬 呬讚唱導

我願既滿 衆望亦足 万年末法 梁棟設傾 三會下生

礎石何改 古稱此山 爲靈鷲山 今号此塔 爲般若塔

令見聞人 知報恩之 依覺母力 勸菩提心 豫有瑞夢

虛實雖疑 今果愚願 機緣得知 願以此功 歸入實際

能所亡相 自他滅罪 開闢以來 壞劫以前 內自帝城

外及夷域 若神若人 受生我國 或鬼或畜 容身皇洲

令未發趣 發菩提心 令不定聚 住正定聚 一人已趣

其人勸餘 展轉倍之 至無殃數 設在地方 猶尋舊緣

當來久之 及無量劫 上宮太子 行基菩薩 如此權化

仰乞加被 十善聖君 三乘行者 如此尊靈 以爲導師

能化所化 尊卑雖殊 或救或恃 值遇無窮 始此小國

漸及塵刹 起波一門 遂滿願海

建久九年戊午十一月七日

〇一〇一四 土佐國留守所下文案 〇壬生 家文書

留守所下 (香美郡) 吉原御庄

建久九年十一月

可早任□□□國(宜力)狀、永□□□(停止處)使入勘課役令甲乙輩濫妨、

以所當官物辨□□長日不斷法供米・圓宗寺法花會料

米・太政官厨家納物等上、爲高倉院法花堂領、備進御油

壹斛貳斗、令左大史小槻宿禰隆職子之孫之、領掌當國吉

原庄一處事、

右、十月廿一日□宣□□御□□月四日到來、□任宣旨

狀、永停止國使入勘課役(令甲乙力)輩濫妨、二所太神宮役夫工・

同遷宮・造內裏・造御願寺・大嘗會・乳牛・諸祓・相撲等、

三年一度御船遊役、以所當官物辨濟彼供米等、(爲法花堂領)備

進件油、以左大史小槻宿禰隆職子之孫之、可領掌、所仰如件

留守所宜承知、依件用之、不可違失者、任彼狀、可爲法花堂

御領之狀如件、以下、

建久九年十一月 日 散位八木宿禰

散位秦宿禰在判

散位八木宿禰在判

□□朝臣在判